

# Communicaziun a las medias BCG

## La BCG lantscha «Business Talks» per studentas e students

Cuira, ils 28 da settember 2016 – Las studentas ed ils students profiteschan cun il conto da furmaziun plus da la BCG da nov da «Business Talks» exclusiv. Collavuraturas e collavuratur da la Banca Chantunala Grischuna respundan a dumondas individualas davart l'atgna carriera e dattan tips orientads a la pratica.

Ils giuvenils passentan durant lur studi in temp fitg interessant. L'indipendenza finanziaria e persunala daventa impurtanta. Las cumpras per il studi, l'emprim agen tegnairchasa en il lieu da studi, forsa en in auter chantun, custan daners. En ina tala situaziun fai senn da sa laschar cussegljar persunalmain. Il conto da furmaziun plus da la BCG per studentas e students enfin 30 onns resguarda quests basegns spezial e porscha numerus avantatgs:

- ina cussegliaadra persunala u in cussegliaader persunal
- megras cundiziuns da tschains e naginas taxas per retrair daners da bancomats esters en l'entira Svizra
- ina carta da credit ed ina carta Maestro-STU gratuita da la BCG
- ina cussegliaziun da finanzas gratuita cun analisa da la ristga
- in diever gratuit da l'e-banking e dal mobile banking incl. assistent da finanzas
- numerus reducziuns da pretsch per la sortida, il shopping u il temp liber
- ina bunificaziun da 100 francs sin TWINT per ils emprims 200 [contos da furmaziun plus](#) averts da nov

### Business Talks exclusiv – tips da la BCG per Vossa carriera

Co è quai atgnamain da lavurar en l'asset management u en il marketing? Tge fa precisamain ina collavuratura da las resursas umanas u da la planisaziun da finanzas? Las studentas ed ils students han ussa l'occurasiun da discurrer cun collavuraturas e collavuratur da la BCG e da profitar da lur experientschas praticas. Las infurmaziuns retschaivan els tut tenor giavisch via e-mail, telefon u persunalmain durant in café tar la BCG.

Detagls davart la nova purschida per studentas e students sin [gkb.ch/studium](http://gkb.ch/studium).

### Contact per las medias:

Banca Chantunala Grischuna, Medias & Investor Relations, chascha postala, 7002 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'018 collavuraturas e collavuratur (stadi dals 30-06-2016). En il chantun Grischun cun sias numerus vals e pliras linguas, è l'interpresa representada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestrel preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quòtà a la bursa dapi ils 10 da settember 1985.

#### Termins

Quint annual 2016: 10 da favrer 2017  
Radunanza dals participants: 8 d'avrigl 2017

---